

Nafi dakwaan petugas JPS, DBKL tiba lewat di lokasi banjir kilat

Kuala Lumpur: Menteri di Jabatan Perdana Menteri (Wilayah Persekutuan) Dr Zaliha Mustafa menafikan dakwaan petugas Jabatan Pengairan dan Saliran (JPS) dan Dewan Bandaraya Kuala Lumpur (DBKL) tiba lewat di lokasi banjir kilat, minggu lalu.

Dr Zaliha berkata, pasukan terbabit sudah berada di lapangan sepanjang insiden selama dua jam dan 15 minit, selain kejadian banjir kilat di ibu negara itu tidak membabitkan sebarang kemalangan jiwa dan kerosakan besar.

“Laporan meteorologi menyatakan hujan bermu-

la 8.30 pagi dan berhenti sekitar 10.45 pagi.

“Dalam tempoh dua jam 15 minit, pasukan petugas JPS dan DBKL berusaha melencongkan laluan air dan membantu menyuraikan air. Jadi bila dikatakan lewat sampai kurang tepat,” katanya ketika Waktu Pertanyaan Menteri di Dewan Rakyat, semalam.

Beliau menjawab soalan tambahan, **Onn Abu Bakar (PH-Batu Pahat)** mengenai kelewatan pasukan keselamatan di lokasi banjir kilat di ibu negara, baru-baru ini dan langkah untuk memastikan tindakan segera.